



Sofia Geisler, Inuit Ataqtigiit,
Inatsisartunut ilaasortaq
Maani/

§ 37 naapertorlugu apeqquteqaammut nr. 13 / 2019-imut akissut

Inatsisartut Suleriaasianni § 37, imm. 1 naapertorlugu *Qaleralinniarneq* pillugu Naalakkersuisunut apeqquteqarputit. Apeqqutit suliaasaqarfigisannit akineqartussanngorlugit innersuunneqarput. Siullermik apeqqutinnut qujavunga, matumanilu apeqqutitit naammaginartumik akissuteqarfigalugit.

Apeqqut 1:

§37 naapertorlugu apeqquteqaatinut akissumminni nr. 325/2018-imi immikkoortoq 4-ami Naalakkersuisut allapput umiatsiaaqqat angallatillu atorlugit sinerissap qanittuani qaleralinniarsinnaanermut akuersissutit 2095-usut.

Ukiunut 2015, 2016 aamma 2017-imut qaleralinniarsinnaanermut akuersissutit pineqartut qanoq amerlatigippat?

Akissut:

Piffissami 2015-2018 umiatsiaaqqanik angallatinillu sinerissamut qanittumi aalisarsinnaanermik ukiumut akuersissutit amerlassusaat ataani tabelimi nalunaarneqarput.

Ukioq	2015	2016	2017	2018
Akuersissutit amerlassusaat	1739	2052	2221	2095

Apeqqut 2:

Uumasooqassutsiumut atatillugu uumasorsiuut innersuussuteqarnerannut sanilliullugu aalisartut qanoq amerlatigisut attanneqarsinnaanersut pillugu Naalakkersuisut namminneq qanoq naliliippat?

Akissut:

Naalakkersuisut naliliinerannut piujuartitsinermik tunngaveqarneq pissutaasutut aalajangiisuvoq.

Apeqqut 3:

Avataasiorluni aalisarneq pillugu ukiumut 2019-imut pisassiissutigineqartut aalajangersarneqaqqammersut innersuussutigalugit avataasiorluni qaleralinniarnermiit nuussilluni nunamut tulaassassanngortitsinermi akileraarutit akitsuutillu inuiaqatigiinnut iluaqutissanngortinneqartut qanoq amerlatigissasut Naalakkersuisut naliliippat?

Ulloq: 24-01-2019

Suliap normua: 2019 - 752

Akt Nr. 9771844

Postboks 269

3900 Nuuk

Oqarasuaat (+299) 34 50 00

Naqitanik nassitsigasuaat

+299 34 63 55

E-mail: apn@nаноq.gl

www.naalakkersuisut.gl

Akissut:

Ukiumut 2019-imut pisanik avataasiorluni qaleralinniarnermiit nuussilluni nunamut tulaassassanngortitsinermi pisassiissutit nuunneqarnerini akileraarutinit isumalluutinillu akitsuutinit isertitat pitsaanngitsumik sunnerneqassasut Naalakkersuisut nalilerpaat. Taamatut iluanaaruteqannginnissaa naatsorsuutigineqarpoq. Taamaattorli kommuninut attuumassuteqartunut nunami tunisassiorfinni sulisoqarnerulerpat, kommuninut qularnanngitsumik toqqaannanngitsumik iluanaarutaassaaq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



9. januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. §37 naapertorlugu apeqquteqaatinut akissumminni nr. 325/2018-imi immikkoortoq 4-ami Naalackersuisut allapput umiatsiaaqqat angallatillu atorlugit sinerissap qanittuani qaleralinniarsinnaanermut akuersissutit 2095-usut.**

Ukiunut 2015, 2016 aamma 2017-imut qaleralinniarsinnaanermut akuersussitit pineqartut qanoq amerlatigippat?

- 2. Umasoqassutsiumut atatillugu uumasorsiuut innersuussuteqarnerannut sanilliullugu aalisartut qanoq amerlatigisut attanneqarsinnaanersut pillugu Naalackersuisut namminneq qanoq naliliippat?**
- 3. Avataasiorluni aalisarnek pillugu ukiumut 2019-imut pisassiissutigineqartut aalajangersarneqaaqqammersut innersuussutigalugit avataasiorluni qaleralinniarnermiit nuussilluni nunamut tulaassassanngortitsinermi akileraarutit akitsuutillu inuiaqatigiinnut iluaqutissanngortinneqartut qanoq amerlatigissasut Naalackersuisut naliliippat?**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

Qulaani apeqqutigineqartunut aallaaviuvoq §37 naapertorlugu apeqquteqaatinut akissutit 325/2018 aamma avataasiorluni aalisarnermut pisassiissutigineqartut, TAC.

Kissaatigivara apeqqutikka ullut suliffiusut qulit qaangiutinnginneranni akineqarnissaat.